

第三冊

選佛譜

釋氏要覽

釋門自鏡錄

釋氏蒙求

緇門崇行錄



選佛譜卷第一

輪相表法第一 占察云。此相能壞邪見疑網。轉向正道。到安隱處。是故名輪。

輪如占察輪相而作六面。以那謨阿彌陀佛六字順次右旋刻於六面。置輪掌心仰手旁擲。表從凡入聖轉惡成善。十法界無不會歸究竟也。

那謨表惡 阿彌陀佛表善

那表屬見煩惱。亦名分別惑。亦名見惑。邪見分別所起惑故。亦名見所斷惑。見真諦道時。此惑頓斷故。

謨表屬愛煩惱。亦名俱生惑。亦名思惑。不由分別。任運起故。亦名修所斷惑。微細難斷。須見道後。

修無漏道。乃漸斷故。

阿表施善 彌表戒善 陀表定善 佛表善慧 或阿彌陀。表有漏善。佛。表無漏善。又阿表

生滅門 彌表無生滅門 陀表次第門 佛表圓頓門

問。何意不用么二三四五六。乃用那謨阿彌陀佛六字耶。答。么二三四五六。不過世間數目。是無記法。不能生善滅惡。那謨阿彌陀佛六字。乃是萬德洪名。一聞佛名。皆得不退轉於無上正等正覺。一稱佛名。能滅八十億劫生死重罪。一念相應一念佛。念念相應念念佛。故用此六字為輪相也。問。那謨此翻歸命。亦應是善。何得表惡。答。若但有善無惡。則應有升無降。若須並表善惡。儻不借用那謨二字表惡。豈可反用阿彌陀佛表惡耶。夫論心佛衆生。三無差別。本無善惡之殊。豈有能歸所歸之別。既於生滅門中。剋論返迷歸悟。則衆生為能歸。佛為所歸。所歸

當體是善。則能歸當體。奚不可表惡乎。問。何故那表見。謨表愛。答。善則先小而後大。惡則先重而後輕。次第應爾。屬見煩惱過重。屬愛煩惱過輕。故順次表之。問。何故阿彌陀佛四字。用表施戒禪慧。答。大小乘經。俱去此四。收一切行。罄無不盡。如六度中。忍仍屬戒。精進徧策。又十度後四。並無差別智攝故。後四度者。七方便。八顯。九力。十智。問。何故又表有漏無漏二善。答。布施持戒。禪定。設無出世智慧。並名有漏。故惟智慧名無漏善。當知以慧導施戒禪。則施戒禪亦無漏矣。又問。亦有世間智慧。如分地息諍等。豈皆無漏。答。世間智慧。不達真諦無漏之理。但名福德。不名般若也。問。何故又表生滅等四門。答。約出世慧。法爾有此四門。初是三乘鈍根。二是三乘利根。三是大乘鈍根。四是大乘利根。故順次表之也。

位次升降第二

凡十五門。第一發始因地門。第二法道流弊門。第三四種惡趣門。第四欲界入天門。第五色無色天門。第六生善滅惡門。第七增上戒學門。第八增上定學門。第九增上慧學門。第十藏教位次門。十一通教位次門。十二別教位次門。十三圓教位次門。十四淨土橫超門。十五圓極果位門。

第一發始因地門

凡二十一位

那那上品十惡

那那 阿鼻獄 那謨 謨謨 皆無間獄 那阿 謨阿 阿阿 皆有間獄 阿佛 世間福 彌佛 藥法 陀佛 取相識 佛佛 下品下生

謨那

譜曰。十惡者。一殺生。二偷盜。三邪淫。四妄言。五兩舌。六惡口。七綺語。八
慳貪。九瞋恚。十邪見也。上品者。或所對境增上。或煩惱心增上。或所作
事增上。所對境增上者。如弑父母師僧。盜三寶常住物。淫淨戒人。及至
親。欺誑君父師長等。煩惱心增上者。如極重瞋纏。猛利貪纏等。所作事
增上者。如數數殺生。數數偷盜。乃至數數邪見。日積月累。會不改悔等。
以要言之。純從分別見惑所發惡業。名爲上品十惡。故是地獄因也。
那那。則邪見增盛。撥無因果。故入十方阿鼻地獄。百千萬劫。難得出期。
那謨。則見思方盛。惡業必多。謨謨。則習染既濃。亦多惡業。故皆入無
間獄。壽一大劫。那阿。謨阿。及阿阿。則雖有大惡。猶有世間微善。故於
地獄之中。偶得涼風。溫風等。暫時小樂。名爲有間地獄。壽亦略減。阿
彌至。謨佛皆不行者。邪見十惡之人。多不能修戒定慧故。阿佛。則仗
佛慈力。生其施善。然惑業方強。未能卽階無漏。故僅轉爲世福。彌佛。
則仗佛慈力。生其戒善。然惑業方強。未能得戒。故僅獲聞正法。現見世
間極惡之人。偶來聽法。卽種善根。消滅重罪。誠證非一。不可具述也。
陀佛。則仗佛慈力。生其定善。故能頓離惡業。結立壇儀。六時行道。求佛
滅罪。名取相懺。佛佛。則仗佛慈力。生其慧善。故於臨命終時。雖復苦
逼。不遑念佛。法身功德相好。猶能依善友教。一心稱佛名號。卽得下品
下生。具如十六觀經所明。

中品十惡

那那 那謨 彌陀

陀陀

皆下品畜
皆上品畜

阿阿

阿彌

彌彌

皆中品畜

阿佛

壽法 彌佛 取相懺 陀佛
無生懺 佛佛 下品中生

壽曰。十惡。如前釋。言中品者。亦約境約心約事辨之。境中品者。奪人天
命。盜人天物等。心中品者。煩惱不輕。亦不極猛利等。事中品者。或作再
三等。以要言之。雜從見愛煩惱所發惡業。名為中品十惡。故是畜生因
也。 那那等三。純惡無善。故為下品畜。如蠅蠅螻蛄等。 阿阿等三。薄
有散善。故為中品畜。如烏鵲牛馬等。 阿陀等三。微有定善。故為上品
畜。如麟鳳龍象獅鵬等。 那佛。謨佛。雖具惑業。仗佛力故。為畜脩羅。
阿佛聽法者。已捨惡意故。 彌佛取相懺者。欲求淨戒故。 陀佛無生
懺者。遵修定慧故。 佛佛下品中生者。准觀經說故。

謨謨

下品十惡

彌佛 五戒
佛佛 下品上生

那那 那謨
阿陀 彌陀
陀佛 八關戒齋

謨謨 皆無財鬼
陀陀 惡佛

阿阿 阿彌
謨佛 皆有財鬼

彌彌 皆少財鬼
阿佛 作法懺

壽曰。境下品者。如殺鬼畜。盜鬼畜物等。心下品者。微小貪瞋等。事下品
者。或偶一作。或旋知悔改等。以要言之。但從任運煩惱所起惡業。名為
下品十惡。故是餓鬼因也。 那那等三。純惡。故為無財鬼。如鍼毛蝨口
等。 阿阿等三。有散善。故為少財鬼。如食唾啖糞等。 阿陀等五。或有
定善。或仗佛力。故皆為有財鬼。如土穀神山川神等。 阿佛作法懺者。
惡未增上。可悔除故。 彌佛五戒者。改惡從善故。 陀佛入齋者。持心
不散故。 佛佛下品上生者。准觀經說故。
見取 那那 無間獄 那謨 中品畜 謨謨 少財鬼 阿阿 畜脩羅 阿彌 鬼
脩羅 彌彌 阿陀 皆十仙 彌陀 魔天 陀陀 無想天 那佛 大梵天

護佛 空處天 阿佛 聲聞心 彌佛 支佛心
陀佛 體空觀 佛佛 圓頓觀

論曰。言見取者。謂於諸見之中。隨執一見。及所依蘊。執爲此因最勝。能得清淨之果。一切鬪諍所依爲業。以要言之。但除三塗劇苦。其餘脩羅人天等蘊。皆可爲見執所取也。此中依於見惑而行施善。故名見取。問。那阿旃表見取。則三界內。皆有見取。何餘位中不行那阿。答。此是發始因地。隨擲所現。必皆起手。故那阿表見取。謨阿表慢心行施。那彌表戒取。謨彌表下品十善。那陀表邪定。謨陀表味禪。其餘位中。以阿彌陀善。與那謨惡。相爲對治。二俱無力。所以並不行也。問。那佛謨佛。亦可善惡相治。何以仍行。答。有漏惡劣。不能障無漏善。令總不行。但令無漏力弱。不獲深妙益耳。那那具上惡。故墮無間。問。何不入阿鼻耶。答。以本因中有微善故。那謨中惡。故墮中畜。亦以微善。不墮下畜。謨謨下惡。故墮少財。亦以微善。不墮無財。阿阿多施福。以見卑劣。故爲畜脩。阿彌兼施戒。亦因見劣。故爲鬼脩。彌彌具足上善。阿陀捨欲入禪。但以見執。故爲十仙。彌陀戒定俱美。見取入故。僅入魔天。陀陀深入四禪。見取力故。遂招無想天報。那佛仗佛慈力。爲初禪主。而我見我慢仍存。謨佛亦仗佛力。得脫身縛。而空處愛著仍在。阿佛已捨世間取著。由取習故。復取偏眞。是爲發聲聞心。彌佛已持出世戒品。由取習故。樂獨善寂。是發辟支佛心。陀佛定慧平等。能入大乘初門。修體空觀。佛佛不動諸見。而修道品。故成圓頓觀。此中約對待論。

則阿佛後皆破見取。歸佛法正見也。約絕待論。則見取爲法界。一切法趣見取。見取出生十法界也。問。見取既爲法界。何不出生別教法門。答。對待見取。藏通已破。絕待見取。非圓不知。所以不入別教。然大乘初門。已是菩薩界攝。則四聖具足矣。何必拘拘四教名相。

阿謨

慢心行施

謨佛 四王天

阿佛 出世定 微佛 出世慧

那那 上品畜 那謨 畜脩羅 謨謨 有財鬼 阿阿 鬼脩羅 阿彌 人脩

譜曰。由我慢心而行施善。一往正是阿脩羅因。然升沈逐其行業。事非

一槩。此中無地獄果者。縱起見執。不至純積上品惡故。 那那猶爲上

畜。那謨猶爲畜脩。謨謨猶爲有財鬼者。由施福故。 阿阿鬼脩。阿彌人

脩。彌彌阿陀皆天脩者。正以此因得此果故。 彌陀北洲者。施兼戒定。

能伏我所計著故。 陀陀他化天者。施兼禪定。所享果報必自在故。

那佛鐵輪王者。承佛神力。能御世故。 謨佛四王天者。承佛神力。能護

四天下故。 阿佛等爲出世福等者。由施福力。資助出世法故。

世間福

謨佛 支佛心

阿佛 事度心

圓頓觀

體空觀

鐵輪

陀陀 大梵天 那佛 聲聞心

譜曰。統論施戒及禪。皆是世間福業。而戒定因果。品類實多。故今且以

多行布施爲世間福也。既修福業。便障三惡道門。故那那等。僅墮阿脩

羅類。阿阿西洲者。人中最劣故。阿彌東洲者。較西稍勝故。彌彌北洲者。

福勝三洲故。阿陀南洲者。堪親近佛故。彌陀鐵輪者。統御南洲故。陀陀

大梵天者。禪定之福。世間勝故。那佛聲聞心者。福資於慧。願出生死。由分別心。取偏空故。謨佛辟支心者。由染著空。闕大悲故。阿佛事度心者。依生滅門。能發四弘誓願故。彌佛體空觀者。四弘誓願。依無生門。發故。陀佛次第觀者。能發無量四弘誓願。佛佛圓頓觀者。能發無作四弘誓故。

彌那

戒取

謨佛 空處天
陀佛 初信心

那那 無間獄 那謨 中品畜 謨謨 上品畜 阿阿 畜脩羅 阿彌 有財
鬼 彌彌 阿陀 皆鬼脩羅 彌陀 十仙 陀陀 無想天 那佛 大梵天

諧曰。言戒取者。謂於隨順諸見之戒禁。及所依蘊。執爲此因最勝。能得清淨之果。無利勤苦所依爲業。謂牛狗等戒。及投灰。拔髮。五熱炙身。斷絕飲食。乃至雖受佛戒。志求生天。作輪王等。皆屬戒取所攝。彌故名戒。那故名取。

那那仍造上惡。故墮無間。那謨仍造中品。故墮中畜。謨謨仍造下

惡。以邪見牽。故爲上畜。阿阿多有施福。故爲畜脩。阿彌兼有施戒。成有財鬼。彌彌阿陀稍勝。故爲鬼脩。彌陀戒定所資。得取十仙。

陀陀深取四禪。故成無想。那佛承佛慈光。爲初禪主。而我見仍熾。謨佛藉佛法力。得脫色籠。而空愛猶存。阿佛改邪歸正。創入五停。

彌陀初解卽空。僅登乾慧。陀佛仰信真如。階別初信。佛佛頓悟圓理。五品觀成。此中對待絕待二論。例前見取可知。

彌謨

下品十善

謨佛 利名習教
陀佛 出世定學

那那 那謨 謨謨 皆畜脩羅 阿阿 阿彌 皆鬼脩羅 阿彌
阿陀 皆人脩羅 彌陀 陀陀 皆天脩羅 那佛 意見參禪
佛佛 出世慧學 彌佛 出世戒學

譜曰。十善者。一不殺生。二不偷盜。三不邪淫。四不妄言。五不兩舌。六不惡口。七不綺語。八不慳貪。九不瞋恚。十不邪見。以止惡故。卽名爲善。復有十種行善。一救護生命。二給施資財。三遵修梵行。四說誠實言。五和合彼此。六善言安慰。七作利益語。八常懷捨心。九恆生慈愍。十正信因果也。言下品者。亦約境約心約事辨之。且約境者。普於下中上境能護三業。名上品善。唯於中上二境能護三業。名中品善。僅於上境能護三業。名下品善。次約心者。悠悠緩緩。或夾雜煩惱。名下品善。次約事者。偶爾爲善。不廣大。不久積。名下品善。今彌雖善戒。雜以謨之屬。愛煩惱。故是阿脩羅道因也。那那等三煩惱重故。皆爲畜脩。阿阿等二稍勝。故爲鬼脩。彌彌阿陀又勝。故爲人脩。彌陀等二更勝。故爲天脩。凡行善人。知有佛字。必發出世間心。但那佛。則見習尙強。故爲意見參禪。謨佛。則愛習仍重。故爲利名習教。阿佛以下。自應如次修行。施戒禪慧也。

彌阿

中品十善

那那

鬼脩羅

那謨

人脩羅

謨謨

天脩羅

阿阿

西洲

阿彌

東洲

鐵輪王

陀陀

金輪王

那佛

聲聞心

謨佛

支佛心

阿佛

事度心

彌佛

體空觀

陀佛

次第觀

佛佛

圓頓觀

譜曰。約境論中品。如前可知。約心者。善念淳熟。但未猛利。約事者。或數爲小善。或偶爲勝善。有施有戒。故是人道因也。那那等三。夾雜煩惱。故墮三種脩羅。阿阿等四。隨應生於四洲。彌陀又勝。故王南洲。陀陀最勝。故統四洲。純善之人。知有佛法。必入法門。但那佛。則分別習強。故志取偏眞。謨佛。則恩愛爲苦。故樂獨善寂。阿佛以下。自應如次發於四種大

菩提心。

上品十善 那那 十仙 那謨 魔天 謨謨 北洲 阿阿 四王天 阿彌 忉利天

那佛 緩位 謨佛 性地 阿佛 六不退心

謨曰。約境論上品亦如前說。約心者。淳至猛利。約事者。廣大久遠。然而

猶屬散善。故但為欲天因也。那那則見網牢固。故成十仙。那謨則煩惑

紛陳。故為魔侶。謨謨雖有愛染。不起見執。故生北洲。北洲雖不及天。死

必生天。無退墮故。阿阿等大。如次生六欲天。可知。大善之人。既知佛理。

必有所證。但那佛未伏法執。僅階緩位。謨佛未離法愛。僅登性地。阿佛

初捨劣心。堪成別信。彌佛持佛妙戒。能遵五品。陀佛定慧均平。可超內

院。佛佛則具諸戒行。圓發三心。至誠心。深心。徑得上品上生矣。

那定 那那 中品畜 那謨 少財鬼 謨謨 上品畜 那陀 謨陀 皆無想天

阿佛 六妙門 彌佛 十六特勝

譜曰。以邪見心修習諸定。故名邪定。如西土九十五種外道。乃至一切

狐畜鬼神。亦能斂念習坐。皆邪定之類也。那那等三。惑業既重。縱有定

力。還墮鬼畜類中。修邪定人。不肯勤修。施戒散善。故阿阿等三種不行。

那陀。謨陀。乃於定中妄起見愛。計為出要。故必生無想天。阿陀。則捨色

入空。彌陀。則棄空緣識。陀陀。則離識緣無所有。那佛。見惑未除。雖甚利

根。還生有頂。即非非想處天。謨佛。愛習尙重。雖聞佛法。須習停心。阿佛等三。即

世間定。堪通出世間定。佛佛純慧。照了邪相。便可通達正相矣。

謨禪

阿陀 六妙門 謨禪 十六持勝 上品畜 謨禪 畜脩羅 那陀 十仙 謨陀 魔天
阿陀 六妙門 謨禪 十六持勝 上品畜 謨禪 畜脩羅 那陀 十仙 謨陀 魔天

謨曰大毗婆沙論具明四禪之中各有三種差別若與出世智慧相應

名無漏初禪等若與五支四支等功德相應名爲淨初禪等若與各各

自地煩惱相應名爲味初禪等今陀表禪定謨表煩惱此二相應故名

味禪也那那等三見思紛擾退失禪味故墮鬼畜脩羅那陀雖不失禪

見取既甚必成十仙謨陀亦不失禪愛染方強必爲魔種其餘散善習

禪不行阿陀初捨欲界故生梵衆彌陀定善稍深故生少光陀陀禪力

倍增故生少淨那佛則身見雖重堪作請轉法輪之主故爲大梵謨佛

則愛味雖存能入世間不動之地故爲福生阿佛等四例前可知

陀阿

根本四禪

阿阿 梵輔天 阿彌 無量光天 彌彌 阿陀 皆無量淨天
那佛 總相念 謨佛 發心住 佛佛 圓十信
彌佛 八入地 陀佛 發心住 佛佛 圓十信

謨曰四禪四無量心四無色定共名十二門禪亦名世間淨禪今先明

四禪也此四禪法各有方便中間今但論色界正定不取方便中間故

名根本四禪一初禪者行人先須趺坐調息從麤住細住階欲界定次

後身心泯然虛豁失於欲界之身坐中不見頭手牀敷猶若虛空是爲

未到地定此定能生初禪卽是初禪方便亦名未來禪得此相已初勿

驚恐亦勿歡喜驚喜皆能招魔勿向人說說則永失不可復得若於未到地中入

定漸深身心虛寂不見內外或經一日乃至七日或一月乃至一年定

心不壞。守護增長。忽覺身心凝然。運運而動。當動之時。還覺漸漸有身。如雲如影動發。或從上發。或從下發。或從腰發。漸漸偏身。上發多退。下發多進。動觸發時。功德無量。略說十種善法眷屬。與動俱起。一定。二空。三明淨。四喜。

悅。五樂。六善心生。七知見明了。八無累解脫。九境界現前。十心調柔。輒如是十種勝妙功德。莊嚴動法。此則略說初動觸相。如是或經一日。或經十日。或一月四月。乃至一年。此事既過。復有餘觸次第而發。然亦無定前後。

故名初禪。言餘觸者。即前動觸爲一。二癢。三涼。四暖。五輕。六重。七澀。八滑。復有八觸。一掉。二猗。三冷。四熱。五浮。六沈。七堅。八軟。此八與前八雖同。而細分別不無小異。此十六觸隨一發時。悉有十種善法功德眷屬。

行者因未到地。發如是等諸觸功德善法。故名初禪初發。並是色界清淨四大。依欲界身中而發。從此捨離欲界五欲五蓋。五欲者。一色。二聲。三香。四味。五觸。

蓋者。一貪欲。二瞋恚。三睡眠。四掉悔。五癡。得初禪五支功德。一覺。二觀。三喜。四樂。五一心。若在人中坐禪。得此根本初禪。不失不退。則命終已。隨初禪力深淺。必生梵衆等三天中。

是爲初禪天因也。次二禪者。若於初禪定中。厭離覺觀。入中間禪。從未到地。專心不止。於後其心。豁然明淨。皎潔定心。與喜俱發。具足四支功德。一內淨。二喜。三樂。四一心。名爲根本二禪。若人坐禪得此。隨其淺深。命終必生少光等三天中。是爲二禪天因也。次三禪者。若於第二禪定。厭離喜相。入中間禪。從未到地。澄靜其心。泯然入定。不依內外。與樂俱發。具足五支功德。一捨。二念。三智。四樂。五一心。名爲根本三禪。若人坐禪得此。隨其淺深。命終必

生少淨等三天中。是爲三禪天因也。次四禪者。若於第三禪定。厭離樂法。深見過患。入中間禪。心無散動。得未到地。於後其心豁然開發。定心安隱。出入息斷。具足四支功德。一不苦不樂。二捨。三念捨淨。四一心。名爲根本四禪。若人坐禪得此。隨其淺深。命終必生福生等三天中。是爲四禪天因也。善修根本四禪。能伏見愛。故那那等不行。阿阿資以施福。故生梵輔。阿彌施戒資禪。故生無量光天。彌彌倍資禪力。故生無量淨天。那陀謨陀。皆具定力而墮愛見。故生無想。阿陀與彌彌功等。亦生無量淨天。彌陀禪善又勝。故感福生。陀陀根本中最。故生福愛。廣果。須於第四定兼修四無量心。那佛知求出世。見惑未除。須修總相念觀。謨佛雖已伏見。未全伏思。僅成煖位善根。阿佛見生滅理。按位入無煩天。彌佛觀法無生。無間具足入忍。陀佛發中道解。見惑先除。故成初發心住。佛佛觀於禪境。卽不思議。故階圓信十心。問。旣云四禪各有淺深。得生各各三天。何故此中行法。前除梵衆少光少淨。後除大梵光音徧淨廣果。答。雖四禪中。各有三品九品淺深不同。今一住且以前擬味禪。後讓四無量心。便足略顯因果差別。若此中又細分之。則似太繁瑣矣。

陀彌

四無量心

阿佛 初僧祇 彌陀 大梵天 阿彌 光音天 彌彌 阿陀 皆徧淨天
陀佛 十蓮頂住 佛佛 上品上生 陀陀 皆廣果天 那佛 初果 謨佛 三果

勝。求作梵王。更修四無心量。一慈無量心。愛念衆生。常求樂事。以饒益

之二。悲無量心。愍念衆生。受五道中種種身苦。三喜無量心。欲令衆生從樂得歡喜。四捨無量心。捨三種心。但念衆生。不憎不愛。由善修此四無量定成就。命終得爲四禪天王。修四無量。亦伏見愛。故那那等不行。阿阿功德尙淺。爲初禪主。阿彌功德稍勝。爲二禪主。彌彌阿陀又勝。爲三禪主。彌陀等二最勝。爲四禪主。那佛資禪福力。便可見真。護佛資禪福力。便能離欲。阿佛悟生滅四諦。便作菩提資糧。彌佛了諸法無生。便成離欲梵行。陀佛於次第門。超三界正習。成灌頂住。佛佛悟圓頓理。同慈心具戒。上品上生。

陀陀

四無色定。阿阿 阿彌 皆空無邊處 彌彌 阿陀 皆識無邊處 彌陀 無所有 地 陀佛 六正心住 非非想 那佛 忍位 護佛 世第一 阿佛 三果 彌佛 離欲

佛佛 圓信

證曰。四無色定者。一空處定。行人得第四禪已。深思色法過罪。作意滅除一切色法。一心緣空。念空不捨。卽色定謝而空定未發。亦有中間禪。爾時勤加精進。一心念空不捨。則其心泯然任運自住空緣。亦名未到地相。於後豁然與空相應。其心明淨。不苦不樂。益更增長。於深定中。唯見虛空。無諸色相。雖緣無邊虛空。心無散分。旣無色縛。心識澄靜。無礙自在。如籠破鳥出。飛騰自在。是名證虛空定。證此定已。不失不退。命終必生空無邊處。但有受想行識四陰。無色陰也。二識處定。行人得空定已。訶責空處多諸過失。便捨空處。一心繫緣現在心識。念念不離。未來過去。亦復如是。常念於識。欲得與識相應。加功專注。不計旬月。一心緣

識而無異念。空定卽謝。識定未生。名中間定。卽便泯然任運自住。識緣名未到地。此後豁然與識相應。心定不動。而於定中不見餘事。唯見心識念念不住。定心分明。識慮廣闊。無量無邊。識法持心。無分散意。此定安隱。清淨寂靜。證此不失。命終必生識無邊處。亦有四陰也。三無所有處定。亦名不用處定。行人得識定已。訶責識處過患。卽捨識處。繫心無所有處。於中心不憂悔。專精不懈。一心內淨。空無所有。不見諸法。寂然安隱。心無動搖。此爲證無所有定相。入此定時。怡然寂絕。諸想不起。尙不見心相。何況餘法。無所分別。是名無所有處定。證此不失。命終必生無所有處。亦有四陰也。四非想非非想處定。行人得無所有定已。深訶無所有處過罪。卽捨無所有定。觀於非有非無。常念不捨。一心專精。加功不已。其心任運住在緣中。於後忽然真實定發。不見有無相貌。泯然寂絕。心無動搖。恬然清淨。如涅槃相。是定微妙。三界中極。如步屈蟲。行至樹表。更無可進。證此不失。命終必生非非想處。仍有微細四陰也。

修此四定。亦伏煩惱。故那那等皆暫不行。阿阿等二。功行尙淺。故擬空定。彌彌阿陀。功行稍增。故擬識定。彌陀更增功行。故擬無所有定。陀陀功行已極。故擬非非想定。那佛依定可觀四諦。故擬忍位。

謨佛無間便可發真。擬世第一。阿佛依生滅門發真無漏。先已離下界染。故成三果。彌佛依無生門悟卽空理。亦先離下界染。故成離欲。陀佛於次第門已離欲染。故成六住。佛佛於圓頓門長別三界。

故成圓信。問。四空定力。超過四無量心。入正法中。何反不及。答。慈悲喜捨。堪作菩提資糧。故勝。四空頑定。不能入俗利生。故劣也。

佛那

意見參禪

那那 破尸羅 那謨 上慢 彌陀 乾慧地 陀陀 性地 那佛 乾慧地 謨佛 性地 阿佛

八人地 彌佛 見地 陀陀 佛佛 上品中生

謨曰。參禪本是出世慧學。專修般若。意在頓悟本心。不涉權漸。與圓頓觀無二無別。但因末世徒慕其名。不究其實。雜以意見。故用那佛表之。由其本是慧學。所以得則直超。由其雜以意見。所以失則永墜也。那那那見取空。必破根本尸羅。那謨見思紛雜。必毀出世正見。謨謨耽愛寂寞。必至棄捨多聞。那陀取著癡禪。必成無想外道。謨陀染著定功。故爲增上慢人。阿阿等施戒散善。禪士皆所不務。故俱不行。阿陀僅是生滅定門。未有深益。故亦不行。彌陀初入無生定門。故擬乾慧。陀陀定水能資理解。故擬性地。那佛以慧治見。亦擬乾慧。謨佛以慧治思。亦擬性地。那佛創捨見思。擬入人地。彌佛正悟即空。堪擬見地。陀佛定慧均平。能知如來祕密之藏。成圓五品。佛佛深解第一義諦。故准觀經。必得上品中生也。問。何不悟入藏別二教。答。參禪是頓悟法。本接利根。若界外利根。則必入圓。若界內利根。則必入通。所以不入藏與別也。問。禪是教外別傳。如何悟入教中位次。答。不執指以爲月。故名教外別傳耳。若所悟入。不與教合。便是魔外矣。

佛謨

利名習教

那那 破尸羅 那謨 彌陀 金輪王 阿陀 四王天 謨謨 增上慢 阿阿 鐵輪王 阿彌 銅輪王

阿陀

四王天

謨謨

增上慢

阿阿

鐵輪王

阿彌

銅輪王

護佛 支佛心 阿佛 寧度心 彌佛 體空觀
陀佛 次第觀 佛佛 圓頓觀

智曰。習學佛教。亦是出世慧學。所謂續佛慧命。代佛揚化。但因末世學人。每爲利名所牽。故用謨佛表之。由其代佛揚化。故堪悟三乘四教。由其利名所牽。故多滯罪福兩塗也。那那妄說法空。則尸羅必破。那謨見思紛雜。故軌則多違。謨謨耽著名言。必懷增上我慢。阿阿等三。資以施戒。僅感人王。阿陀等三。稍事攝心。僅階天道。那佛以分別而志偏真。謨佛由樂寂而思獨善。阿佛等四。乃能如次發於四種大菩提心。

佛阿

出世福業

阿阿 五戒 阿彌 八戒 彌彌 十戒 阿陀 持比丘律
陀佛 初果 彌佛 見地 持二部 陀陀 廣持 那佛 護法八部 謨佛請法

陀佛 七住 佛佛 圓信

智曰。統論施戒。忍進禪五波羅密。並名出世福德莊嚴。今戒定等後文方明。且以布施作福。求出生死。名出世福業也。由於三寶門中廣行施福。能使惑業不起。故那那等皆暫不行。由於布施而階戒品。故阿阿等。如次能持在家出家律儀。那佛護法。由未斷惡。故爲八部雜形。謨佛請法。由未斷慢。故爲梵王世主。阿佛等四。並以福德資無漏慧。如次證入四教真似位中。

佛彌

出世戒學

那那 在家五戒 那謨 八關齋戒 謨謨 沙彌十戒 阿阿 持比丘律
陀陀 舍能滅諍 阿彌 持二部律 彌彌 阿陀 皆廣持毗尼 彌陀 住毗尼而不動
彌佛 覺清淨戒 陀佛 念清淨戒 佛佛 無上道戒 餘清淨戒

智曰。在家二衆出家五衆。小乘七衆大乘七衆。並名出世戒學。於家中。有終身五戒。名爲近事男女。有一日一夜八關戒齋。名爲淨行優婆